

- *1. وزیر اعظم نریندر مو دی نے کہیو ہے جے بھارت دُنیا مانہ سب تیں تیزی نال ترقی کرن آلو مُلک ہے تے اک ترقی یافتہ بھارت غی تعمیر واسطے متحد ہو غے آگے بدھ رہیو ہے ۔
- *2. ہندی نانہ سرکاری زبان غے طور ور اپنان غا اعزاز مانہ مُلک پھر مانہ ہندی دیوس مانیو جا رہیو ہے ۔ وزیر اعظم مودی نے اس موقع ور مبارک باد دیتاں واں ہندی نانہ قومی شناخت تے قدراں غو ورثو قرار دتو ہے ۔
- *3. نائب وزیر اعلیٰ سُریندر چودھری نے نو شہرہ مانہ اندراج شدہ تعمیراتی کم کاراں نانہ 12 لکھ 76 ہزار روپیاں غی مالی امداد فراہم کی ہے ۔
- *4. ہفتہ پھر معطل رکھن غے بعد ضلع ڈوڈہ مانہ براڈ بینڈ انٹرنیٹ خدمات معطل کر دتی گئی ہیں۔
- *5. تے کرکٹ ٹی ٹوئنٹی ایشیا کپ مقابلان غا گروپ اے مانہ دُبئی مانہ اج شام بھارتی کرکٹ ٹیم غو مقابلو روایتی حریف پاکستانی کرکٹ ٹیم نال وے گو ۔

PM Assam

وزیر اعظم نریندر مو دی نے کہیو ہے جے بھارت دُنیا مانہ سب تیں تیزی نال ترقی کرن آلو مُلک مانہ سب تیں تیزی نال ترقی کرن آلی ریاستاں وچوں اک ہے ۔ وزیر اعظم نے کہیو ہے جے مُلک اک ترقی یافتہ بھارت غی تعمیر واسطے متحد ہو غے آگے بدھ رہیو ہے تے اس نانہ حاصل کرن مانہ شمال مشرق غو بہت بڑو کردار ہے ۔ اُنہاں نے کہیو ہے دراندازاں غے ذریعے سرحدی علاقان غی ڈیمو گرافی تبدیل کرن غی سازش ہو رہی ہیں تے یوہ قومی سلامتی واسطے بہت بڑو خطرہ ہے ۔ وزیر اعظم نے مزید کہیو ہے اس واسطے ہون مُلک مانہ ڈیمو گرافی مشن شروع کیو جا رہیو ہے ۔ وے آسام مانہ 18530 کروڑ روپیاں تیں زیادہ غا بڑا بنیادی ڈھانچہ تے صنعتی ترقی غا منصوباں غا افتتاح تے سنگ بنیاد رکھن غے بعد درنگ ضلع غا منگل ڈوئی مانہ لوکاں نال خطاب کر رہیا تھا ۔

Hindi Diwas

مُلک پھر مانہ اج ہندی دیوس مانیو جا رہیو ہے ۔ 1949 مانہ اس تیہاڑے آئین ساز اسمبلی نے دیوناگری رسم الخط مانہ لکھی گئی ہندی نانہ مُلک غی سرکاری زبان غے طور ور اپنایو تھو۔ وزیر اعظم نریندر مو دی نے اج ہندی دیوس غا موقع ور مُلک غا لوکاں نانہ مبارک باد دتی ہیں۔ اک سوشل میڈیا پوسٹ مانہ وزیر اعظم نے کہیو ہے جے ہندی صرف رابطہ غو ذریعو ہی نہیں ہے بلکہ یاہ مُلک غی شناخت تے قدراں غو اک متحرک ورثو ہے ۔ مرکزی وزیر داخلہ امت شاہ نے وی اج ہندی دیوس غا موقع ور مبارکباد پیش کی ہیں ۔ اُنہاں نے کہیو۔۔۔

بائٹ۔۔۔ لیفٹنٹ گورنر منوج سنہا نے وی ہندی دیوس غا موقع ور دلی مبارکباد پیش کی ہے ۔

Dy CM Nowshera

نائب وزیر اعلیٰ سریندرچودھری نے نو شہراہ ماہہ اندراج شدہ تعمیراتی کارکنان ماہہ 12 لکھ 76 ہزار روپیاں غی مالی امداد فراہم کی ہے۔ نائب وزیر اعلیٰ نے قدرتی موت، حادثاتی موت، طویل مدتی بیماریاں، مستقل معزوری، شادی بیاہ ماہہ امداد اُن غا بچاں غی تعلیم غے نال نال اندراج شدہ کارکنان واسطے 10 ویں تے 12 ویں جماعت غا بچاں ماہہ وظیفہ غی امداد فراہم کی۔ اس موقع ور خوشی غو اظہار کرتاں واں نائب وزیر اعلیٰ نے کہیو کہ آج اُس واعده غو آگاز ہوئو ہے، جہیڑو اُن نے عوام نال کیوتھو۔ اس موقع ور گل کرتاں واں انہاں نے اس طرح کہیو۔ بانٹ۔۔۔

Women Health Campaign

صحت تے خاندانی بہبود غی طرفوں شروع کی وی اک قومی صحت مہم "سو ستھ ناری سشکت پریوار ابھیان" ماہہ آیوش غی وزارت حصولے رہی ہے۔ کالسریاں غی صحت تے بھلائی بہتری واسطے یاہ مہم 17 ستمبر ماہہ شروع کی جائے گی۔ اک بیان ماہہ وزارت نے دسیو ہے جے 16 روزہ مہم ماہہ کالسریاں غی صحت غا فروغ تے بکھ بکھ بیماریاں غی جانچ پڑتال ور توجہ مرکوز رہے گی۔ اس مہم غو اہتمام ریاستاں تے مرکز غا انتظام آلا علاقہ غی انتظامیہ غے نال نال دوجا متعلقین بشمول آیوش تحقیقی ادارا، تعلیمی ادارہ، صنعت، انجمن تے غیر سرکاری تنظیمیں غا اشتراک نال کیو جائے گو۔

Prog Announcement

آکاشوانی جموں غاریجنل نیوز یونٹ غی طرفوں ایک خاص مباحثہ پروگرام نشر کیو جارہیو ہے جس غی مدت 25 منٹ وے گی۔ پروگرام، غو موضوع ہے مٹی تین کامیابی توڑی کساناں تے کھیتاں غی ترقی یوہ خصوصی پروگرام سیوا پرو 2025 غی تقریبات غا سلسلہ ماہہ 15 ستمبر 2025 ماہہ دوپہر 12 بجے نشر کیو جائے گا۔ اس پروگرام ماہہ مارا مہمان ویں گا پروفیسر وکاس شرما، تے اس پروگرام غی میزبانی کریں غا مارا انکر وجے بجاج تے ابھی لاشا شرما۔ سامین یو پروگرام میڈیم ویو 303 میٹر یعنی 990 کلو ہٹش تے ایف ایم 100.3 ور سُن سکیں۔

GST Reforms

جموں کشمیر غا باشندان نے آئندہ یعنی نیکیسٹ جنریشن جی ایس ٹی اصلاحات غے تحت حال ہی ماہہ جی ایس ٹی غی شرح ماہہ کمی غو خیر مقدم کرتاں واں اس کمی ماہہ عام آدمی واسطے اک بڑی راحت قرار دتو ہے۔ حکومت نے صحت نے جیون بیمہ، لائف انشورنس قسطاں ماہہ مکمل طور ور ٹیکس فری بنا دتو ہے۔ جہیڑو پہلاں تین 18 فیصدی کہتے ہے۔ اس غو مقصد بیمہ پالیسی غے ذریعے نقصان غی تلافی ماہہ بدھانو ہے۔ 36 جان بچان آلی کینسر غی رانمی بیماریاں غی دوائیاں ور وی ٹیکس معاف کر دتو گیو ہے۔ ضروری طبی اشیا پٹیں، گلو کو میٹر تے تھر ما میٹرس ور اشیا تے خدمات غو ٹیکس 12 فیصدی تین کہتے کر غے 5

فیصدی کر دتو گویو ہے۔ مقامی لوکاں نے اس قدم نانہہ صحت غی دیکھ بہال سستی ہون آئے پاسے اک قدم غے طور ور سراہیو ہے۔

خبران غا باقی حصہ نال محمد اکرم چودھری ور اُس تیں پہلاں یوہ سنیو۔

Doda Broadband Restored

حُکام نے اج ضلع ڈوڈہ مانہہ براڈ بینڈ انٹرنیٹ خدمات بحال کر دتی ہیں، جت عوامی تحفظ ایکٹ غے تحت عام آدمی پارٹی غا لیڈر تے موجودہ ایم ایل اے ڈوڈہ مہراج ملک نانہہ حراست مانہہ لین غے بعد تقریباً اک ہفتہ توئل پابندیاں غے بعد حالات معمول ور آنا شروع ہو گیا ہیں۔ ڈپٹی انسپکٹر جنرل آف پولیس ڈوڈہ، کشتواڑ، رام بن رینج شری دھر پاٹل، ڈپٹی کمشنر ڈوڈہ ہر ویندر سنگھ تے ایس ایس پی سندپ کمار مہتا نے سول سوسائٹی غا اراکین نال اک میٹنگ غے بعد با ریں بعد دوپہر تیں لوکاں غی نقل و حرکت ور پابندیاں مانہہ 6 گھنٹاں غی ٹہل دتی گئی تھیں۔ افسراں نے کہیو تھو جے بازاراں مانہہ دکاناں نانہہ دوبارہ کھولنو، گڈیاں غی آنو جائی غی بحالی، براڈ بینڈ تے موبائل انٹرنیٹ خدمات غی بحالی تے اسکولاں نانہہ دوبارہ کھولنو، زمینی صورتحال غو جائزولین تیں بعد مرحلہ وار کیو جائے گو۔

Yatra Suspended

شری ماتا ویشنو دیوی غی یا ترہ کئی دنوں معطل رہن غے بعد اج دوبارہ شروع ہون آلی تھی ور دوبارہ توں مسلسل بارش غی وجہ نال اگلا احکامات تک ملتوی کر دتی گئی ہے۔ شرائین بورڈ نے بار آلے دن اس گل غی جانکاری دتی ہے۔ بورڈ نے دسیو ہے جے یا ترہ نانہہ 26 اگست نانہہ بڑی پسی پین تے شرائین غا رستہ مانہہ پتھر پین غے مد نظر معطل کر دتو گئیو تھو۔ ایکس ور اک پوسٹ مانہہ بورڈ نے یا تریاں توں اپیل کی ہے جے تازہ ترین جانکاری واسطے سرکاری چینلاں غے ذریعے دتی جان آلی جانکاری ور عمل کریں۔ واضع رہ جے یا ترہ نانہہ 14 ستمبر توں دابارہ شروع کرن غو منصوبو بنایو گئیو تھو۔ ور خراب موسم غی وجہ نال تاخیر کرنی پئی۔ ماتا ویشنو دیوی غی یا ترہ غا انتظام مانہہ یا تریاں واسطے اک نیک نیتی غا قدم غا طور ور شری ماتا ویشنو دیوی شرائین بورڈ نے کٹڑا مانہہ داخلی مقام ور پرساد بنڈن غو کم شروع کیو ہے۔۔۔ بائٹ۔

Poonch Residents

پونچھ غا ہسپتالکاں نے اپریشن سندور تے سرحد پار تیں پاکستان غی طرفوں کی گئی گولہ باری نال متاثر ہوا لوکاں واسطے کھر کوٹھا تعمیر کرن غا حکومت غا حالیہ فیصلہ ور سرکار غو شکریہ ادا کرتاں واں راحت غو اظہار کیو ہے۔ جموں کشمیر انتظامیہ غی قیادت مانہہ اس قدم غو مقصد اُن متاثرہ لوکاں نانہہ انتہائی ضروری رہائش تے امداد فراہم کرنو ہے، جن غا کھر کوٹھاں نانہہ اپریشن سندور تے سرحد پار غی گولہ باری نال نقصان پچھیو تھو۔ ایکن مقامی شخص ابھننو شرما نے دسیو جے اُن غا کھر پاکستانی گولہ باری غا شکار ہوا تھا۔ سرحد

پار تیں 3 تیں زیادہ گولہ براہ راست مہارا کھر ور لگاتے مہارو کھر مکمل طور ور تباہ ہو
گیو تھو۔ انہاں نے مزید کہیو۔ بانٹ۔

Asia Cup Cricket

کرکٹ مانہہ اج شام دوہنی مانہہ جاری ٹی ٹوانٹی ایشیا کپ ٹورنامنٹ غا گروپ اے مانہہ بھارتیہ
کرکٹ ٹیم غو مقابلو روانیتی حریف پاکستان غی کرکٹ ٹیم نال ہووے گو۔ میچ شام 8 بجے شروع
ہو وے گو۔ اس سال فروری تیں بعد یوہ پہلو موقعو ہے جدیہ دوئے ٹیم آمنے سامنے ویں
گی۔ بدھواریں بھارتی ٹیم نے متحدہ عرب امارات نانہہ 9 وکٹاں نال براہ دتو تھو تے جمعہ آلے
روز پاکستانی ٹیم نے عمان نانہہ 93 دوڑاں نال شکست دتی تھی۔ گذشتہ رات سری لنکا کرکٹ ٹیم
نے ابو ظہبی مانہہ گروپ بی غا اک میچ مانہہ بنگلہ دیش نانہہ 6 وکٹاں سنگ براہ دتو تھو۔
